

Akureyri og Reykjavík, 5. júlí 2019

Til bæjarstjórans á Akureyri
Ásthildar Sturludóttur

ERINDI:

Beiðni um stuðning vegna sýningar Íslenska dansflokksins á Rómeó + Júlíu í samstarfi við Sinfóníuhljómsveit Norðurlands, Þjóðleikhúsið og Listahátíð í Reykjavík í Hofi á Akureyri 6.-7. júní 2020.

Rómeó + Júlía er nýtt dansverk eftir Ernu Ómarsdóttur og Höllu Ólafsdóttur, við sigilt tónverk Sergei Prokofiev. Verkið var frumsýnt hjá Gärtnerplatz leikhúsinu í München, Þýskalandi, þann 22. nóvember 2018 og þann 6. júní 2020 verður ný útgáfa af Rómeó + Júlíu frumsýnd í Hofi á Akureyri. Stefnt er að því að aðlaga sýninguna fullkomlega að Hofi og þeirri aðstöðu sem þar er, með dönsurum Íslenska dansflokksins og hljóðfæraleikurum Sinfóníuhljómsveitar Norðurlands. Viðburðurinn verður kynntur sem eitt af aðalverkefnum starfsársins hjá Íslenska dansflokknnum og Sinfóníuhljómsveitar Norðurlands og einn af hápunktum Listahátíðar í Reykjavík. Stefnt er að því að verkefnið verði svo sýnt í Þjóðleikhúsinu að hausti 2020.

Samstarfsaðilarnir eru afar spenntir fyrir þessu verkefni, enda er það einstaklega metnaðarfullt og líklegt til þess að styrkja samband stofnanna. Framlag hvernar stofnunar er umtalsvert og verkefnið er að stórum hluta fjármagnað nú þegar. Til þess að allt gangi upp fjárhagslega er þó enn þörf á aukalegum stuðningi til að standa straum af ferðakostnaði og gistingu fyrir listafólk sýningarinnar á Akureyri.


Sótt er um beinan fjárhagsstuðning við verkefnið frá Akureyrarbæ til þess að brúa þetta bil eða hluta þess og láta þennan stóra draum verða að veruleika.

Stuðningur bæjarins getur verið með ýmsu móti. Hvort heldur sem er með beinu fjárframlagi, með því að greiða fyrir eina sýningu eða með gistingu og/eða fæði fyrir listafólk sem kemur frá Reykjavík og erlendis frá, t.d. hjá mótuneyti Akureyrarbæjar eða í Bistróinu í Hofi. Listafólk sýningarinnar verður á staðnum í a.m.k. tvær vikur í aðdraganda sýningar og því má vel hugsa sér að dansarar Íslenska dansflokksins bjóði upp á ókeypis vinnusmiðjur, opnar æfingar eða óvæntar uppkomur í bænnum að launum fyrir veittan stuðning.


Meðfylgjandi er kostnaðaráætlun fyrir verkefnið í heild.

Með von um jákvæðar undirtektir.

Virðingarfyllst,



f.h. Íslenska dansflokksins



f.h. Listahátíðar í Reykjavík



f.h. Sinfóníuhljómsveitar Norðurlands



f.h. Þjóðleikhússins